

**СЛУЖБА
ПРЕСВЯТЕЙ ВЛАДЫЧИЦЕ НАШЕЙ
БОГОРОДИЦЕ И ПРИСНОДЕВЕ МАРИИ
РАДИ ЧУДОТВОРНОЙ ИКОНЫ ЕЯ «ВОСКРЕШАЮЩАЯ РУСЬ»
И ПРП. АВЕЛЮ ПРОРИЦАТЕЛЮ**

Месяца ноемврія въ 29-й день.

НА ВЕЛИЦЕЙ ВЕЧЕРНИ

Блаженъ мужъ: антифонъ 1.

На Господи возвахъ, стіхиры на 8, гласъ 6:

Подобень: Всю отложивше:

Советъ превечный / исполняя Приснодева,/ Покровъ Свой надъ Русью простираетъ/ и кресты покаянія намъ посылаетъ: / радуйся, державная наша Владычице: / радуйтесь умная вся чиноначалія. / Радуйся святыхъ соборъ: / радуйся малое стадо Христово. / Радуйся Русь блаженная: / съ тобою Господь.

Ины стіхиры, гласъ 5:

Днесъ благоверніи людіе светло торжествуемъ, / совершающе празднество Божія Матере, / днесъ Владычица наша являетъ Свое Преображеніе, / да и Русь - уделъ Ея преобразится, / днесъ руце Свой всечтніи воздвизаетъ / и Покровъ Свой посылаетъ на землю, / да очистятся монастыри и храмы / и души чадъ Божіихъ, / да воскреснетъ Русь Святая, / Православная и Самодержавная.

Ты, чадолюбивая Мати, / державная наша Владычице, / молишися непрестанно за Уделъ Свой / и за любящія Тя чада Твоя. / Ныне Ты очищаеши Землю Русскую, / храмы и монастыри православныя, / да воскреснетъ Русь Святая, / Самодержавная.

Къ стопочкамъ Твоимъ преклоняемся, / и Покровъ Твой лобызаемъ / и кресты Твои радостно приедемъ / и благодарно Тебе вопіемъ: / Слава Тебе, Царице, / воскрешай Русь Святую, / Православную и Самодержавную.

Гласъ 8:

Разцветутъ райскія крины / на обновленной земли / и просветленные людіе / душею жадно потянутся къ Богу / и вси колокола Руси зазвонятъ, / возвещая вечную пасху.

Ины стіхиры, преподобнаго, гласъ 2:

Подобень: Егда отъ древа:.

Избранниче Божій Авеле, Новаго Завета пророче, въ пустыне Валаамстей глаголь Божій услышалъ: иди и рцы Северной Царице Екатерине и Наследнику Престола Павлу и отроку Его, како будетъ царствованіе Ихъ.

Всю исторію Государства Россійскаго отъ Императрицы Екатерины даже и до Грядущаго Царя провидель еси, предивне старче Авеле.

Двадцять и одно лето за глаголы Божіи во узилищи проведь еси, угодниче Христовъ Авеле, обаче ныне со Христомъ царствуеши съ ликами апостоловъ и пророковъ.

Слава, гласъ 5:

Государя Николая Александровича / къ искупительному подвигу предуготоваль еси, / насъ же къ покаянію и терпеливому несенію наказанія Божія / за грехъ отступленія отъ помазанника Своего / и упованію на Царя Грядущаго, / богоизбранниче Авеле.

И ныне, гласъ той же:

Очистимъ души покаяніемъ / за грехи богоотступничества и цареотступничества / и за многія иныя грехи, / умъ отъ прилоговъ вражіихъ / и сердце отъ озлобленія и отъ греховныхъ страстей / и со Ангелы восторжествуимъ, / светло начиная Давидскую песнь, / новыми словесы глаголюще: / Воскреси, Русь Святая, / Православная и Самодержавная, / подъ Покровомъ твоея Царицы и Заступницы / и Матери Бога нашего, / по молитвамъ Царя-Искупителя / и всего сонма русскихъ святыхъ / и всехъ угодниковъ Божіихъ отъ века украсившихъ Христову Церковь, / по Божію изволенію.

Входъ. Прокимень дне. Чтенія 3:

Бытія чтеніе (глава 28):

Изыде Іаковъ отъ студенца клятвеннаго и иде въ Харранъ. И обрете место и спа тамо, зайде бо солнце. И взять отъ каменія места того и положи возглавіе себе, и спа на месте ономъ, и сонъ виде: и се лествица утвѣждена на земли, еяже глава досязаше до Небесъ, и Ангели Божіи восходяху и низходяху по ней, Господь же утверждашеся на ней и рече: Азъ Богъ Авраамовъ, отца твоего, и Богъ Исааковъ, не бойся; земля, идеже ты спиши на нейдебе дамъ ю и семени твоему. И будетъ семя твое, яко песокъ земный, и распространится на море и ливу, и на северъ, и на востоки, и возблагодарятъ о тебе вся колена земная и о семени твоємъ. И се Азъ съ тобою, сохраняяй тя на всякомъ пути, аможе аще пойдеш, и возвращу тя въ землю сію, яко не имамъ тебе оставити, дондеже сотвориши Ми вся, елика глаголахъ тебе. И воста Іаковъ отъ сна своего и рече: яко есть Господь на месте семъ, азъ же не ведехъ. И убояся, и рече: яко страшно место сіе, несть сіе, но домъ Божій, и сія врата Небесная.

Пророчества Іезекіилева чтеніе (главы 43-44):

Тако глаголетъ Господь: будетъ отъ дне осмаго и прочее, сотворять іереи на олтари всесожженія вашего, и яже спасенія вашего, и прииму вы, глаголетъ Адонаи Господь. И обрати мя на путь вратъ святыхъ внешнихъ, зрящихъ на востоки, и сія бяху затворенна. И обрати мя на путь вратъ святыхъ внешнихъ, зрящихъ на востоки, и сія бяху затворенна. И рече Господь ко мне: врата сія затворена будутъ и не отверзутся, и никтоже пройдетъ сквозе ихъ, яко Господь Богъ Израилевъ пройдетъ ими, и будутъ затворенна. Яко Игумень сядетъ въ нихъ снести хлебъ, по пути Еламскихъ вратъ внидетъ и по пути его изыдетъ. И введе мя

по пути вратъ святыхъ, сущихъ къ северу, прямо храму, и видехъ, и се исполнь славы храмъ Господень.

Притчей чтеніе (глава 9):

Премудрость созда себе домъ и утверди столповъ седмъ. Закла своя жертвенная, и раствори въ чаши своей вино, и оуготова свою трапезу. Посла своя рабы, созываючи съ высокимъ проповеданіемъ на чашу, глаголющи: Иже есть безумень, да уклонится ко мне, и требующимъ ума рече: Приидите, іадите мой хлебъ, и пійте вино, еже растворихъ вамъ. Оставьте безуміе, и живи будете, и възыщете разума, да поживете, и исправите разумъ въ веденіи. Наказуяй злыя, прииметь себе безчестіе: обличаяй же нечестиваго, опорочитъ себе: обличенія бо нечестивому раны ему. Не обличай злыхъ, да не возненавидятъ тебе: обличай премудра, и возлюбитъ тя. Дажь премудрому вину, и премудршій будетъ: сказуй праведному, и приложитъ приимати. Начало премудрости, страхъ Господень, и советъ святыхъ, разумъ. Разумети бо законъ, помысла есть благаго: симъ бо образомъ многое поживеши время, и приложатся тебе лета живота.

На літіи стіхира храма:

Таже стіхиры, гласъ 5:

Возрадуемся вси верніи, / ревнующія о славе Божіей / днесъ надежда наша и упованіе исполняется, / Державная наша Владычица / приступаетъ къ воскресенію Руси, / и Царя Грядущаго на престоль призоветъ / и вручитъ ему скипетръ и державу.

Радуются небеса о единомъ грешнице кающемся, / ныне же велія радость Ангеловъ исполнися, / се зиждется Земля Обетованная, / Царство праведности на земли, / Русь Святая Православная и Самодержавная.

Радуется святой Царь-Искупитель, / и Николай, угодникъ Христовъ / и серафимамъ подобный Саровскій чудотворецъ, / съ ними же и вси собори святыхъ, / предъ престоломъ Божіимъ предстоящи: / Богъ бо услышалъ ихъ мольбы / и за малый остатокъ верныхъ / простилъ грехъ народа, / предавшаго помазаника Божія и заступника своего, / повеле Божіей Матери очистити Свой Удель / и вдохнути въ лице его дыханіе жизни / и дати ему угодника Своего / еже есть держай предъ лицемъ антихриста.

Слава, гласъ : И ныне, гласъ 8:

Девы съ Ангелами и съ ликами святыхъ / воспеваютъ Тя, Владычице: / Радуйся, Преблагословенная, Мати Бога Вышняго. / Съ ними же и мы радостно возопіимъ: / Радуйся, Радосте наша, / покрый насъ отъ всякаго зла / честнымъ Своимъ омофоромъ.

На стіховне стіхиры, гласъ 2:

Подобень: Егда отъ древа:

Покровъ Твой древній и вечный, Владычице, / иже виде блаженный Андрей, / Ты возложила на Церковь Христову, / Жену, облаченную въ Солнце - Христа, / да защититъ онъ отъ стрелъ вражїихъ, / да прибегаемъ мы, яко немощныя чада Твоя /

въ радостехъ и въ скорбехъ и въ нужди.

Стихъ: Слыши, Дщи, и виждь, / и приклони ухо Твое.

Новый и последній Свой Покровъ / Ты днесъ возлагаеши на Русь, / Удель Твой и Царство Твое / и Домъ Пречистыя, / дабы осталось на земли / Царство Божіе въ силе Своей / во времена всеобщей мерзости запустенія / и антихристова нечестія и беззаконія.

Стихъ: Лицу Твоему / помолятся богатіи людстїи.

Рече Господь и Сынъ Твой Фоме: / блажени не видевшіи, и веровавше./ Византія видела Покровъ Твой во Влахернскомъ храме, / но не уверовала и не пріяла праздника сего. / Блаженна Русь, яко не видела, но уверовала, / и сталъ праздникъ Покрова Твоего / близокъ и дорогъ всякому русскому сердцу. / За то и явила Ты последній Свой Покровъ надъ Русью, / Землею, Богомъ и Тобою избранною.

Слава, гласъ 5:

Врази Христовы и Царевы бояшася тя и многажды во узилище тя ввергаша, Царіе же благочестивіи любиша и чтоша тя, вещій иноче Авеле.

И ныне, гласъ 8:

Милосердію Твоему несть числа, / и заботу Твою Матернюю о насъ кто исчислитъ. / Мы вечныя должники предъ Тобою и Сыномъ Твоимъ. / Како излити намъ любовь сыновнюю и дочернюю къ Тебе; / И что можемъ возглаголати; / Токмо: Радуйся, Радосте Наша.

Таже тропарь Божіей Матери, гласъ 4:

Ты, Пресвятая Дево, / чудесное света излученіе, / подаеши намъ простоту душевную, / чистоту небесную, / отъ телесныхъ и душевныхъ немощей избавленіе / и радость неизреченную. / Мы чтимъ святое Твое изображение, / на Руси явленное, / и поклоняемся Тебе, Мати Божія, / и просимъ предстательства Твоего и заступленія / и воздаемъ Тебе, Надеждо наше и Упованіе, / честь и поклоненіе.

Инь тропарь Богородице, гл. 2:

Воскреси души наша, Владычице, / помози иго благое въ сердцахъ понести, / просвети землю Русскую, / въ беззаконія впадшую, / низпошли покаянія кресты золотыя, / вразуми ны, яко Ты еси воистину Русь Воскрешающая.

Тропарь преподобнаго, гл. 4:

Преподобне отче Авеле, / Новаго Завета пророче, / предзревый Книгу судьбъ Державы Россійскія / и днешнее иго жидовское / и грядущую великую славу Руси. / Молися о Грядущемъ Царе / и о всехъ, чтущихъ святую память твою.

На оутрени, на Богъ Господь тропарь БМ дважды.
Слава, преподобному, и ныне, инъ тропарь БМ.

По 1-мъ стихословіи седалень гласъ 8:

Подъ Покровомъ Твоимъ Святымъ, Владычице, всякая душа оживаетъ и крылья расправляетъ, Русь же отъ сна смертнаго пробуждается и воскресаетъ.

Слава, и ныне, тойже.

По 2-мъ стихословіи седалень гласъ 1:

Кресты съ Омофора Твоего, Заступнице, Ты посылаеши намъ для покаянія за первородный грехъ русскаго народа - отречение отъ святаго Царя-помазанника Божія, земнаго образа Небеснаго Царя, чадолубиваго отца народа своего съ пламенной верою и нравомъ голубинымъ; покаянія за многія и тяжкія грехи наша, да возьмемъ крестъ свой внутренній -крестъ покаянія и да научимся исполнять заповедь любви.

Слава, и ныне, тойже.

Величаніе:

Величаемъ, величаемъ Тя, / Пресвятая Дево, / и чтимъ Покровъ Твой честный,/ имже насъ очищаеши / и Русь Святую воскрешаеши.

Ино величаніе:

Величаемъ, величаемъ Тя, / Пресвятая Дево, / Богоизбранная Отроковице,/ всю землю Покровомъ Своимъ очищающая / и Русь Святую воскрешающая.

Таже псаломъ избранный:

Помяни, Господи, Давида и всю кротость его. / Яко клятсѣ Господеви, обещаѣ Богу Іаковлю. / Се слышахомъ я во Евфрафе, обретохомъ я въ поляхъ дубравы. / Преславная глаголашасѣ о Тебѣ, граде Божій. / Богъ посреде его, и не подвижитсѣ. / Клятсѣ Господь Давиду истинною и не отвержется еѣ. / Отъ плода чрева Твоего посажду на престоле Твоемъ. / Яко избра Господь Сіона, изволи его въ жилище Себе. / Освятиль естъ селеніе Свое Вышній. / Святыня и велелепота во святиле Его. / Святъ храмъ Твой, дивенъ въ правде. / Дому Твоему подобаетъ святыня, Господи, въ долготу дній. / Помяну Имя Твое во всякомъ роде и роде. / Благословенъ Господь во векъ и въ векъ века.

Слава Отцу, и Сыну, и Святому Духу и ныне, и присно, и во веки вековъ, аминь.

Аллилуія, аллилуія, аллилуія, слава Тебѣ, Боже. Трижды.

По поліелеи седалень, гласъ 8:

Со Ангелы и святыми воспеваемъ Тя, Владычице, и радостно вопіемъ Ти: радуйся, Пречистая, радуйся, Преславная, Мати Бога нашего, радуйся, Преблагая, радуйся, Радосте наша, покрый насъ отъ всякаго зла и воскреси Русь Святую, Православную и Самодержавную.

Слава, и ныне:

Приидите, вси ревнителие Руси Православныя, Владычицу нашу ублажимъ, Божественнымъ Светомъ сіяющую: руце бо Свои милостивно простре, и святымъ Покровомъ Своимъ Русь преображаетъ и воскрешаетъ.

Степенна, 1-ый антифонъ 4-го гласа:

Отъ юности моя / мнози борють мя страсти, / но Самъ мя заступи / и спаси, Спасе мой. (дважды)

Ненавидящии Сиона, / посрамитесь отъ Господа, / яко трава бо огнемъ, / будете изсохше. (дважды)

Слава: Святымъ Духомъ / всяка душа живится / и чистотою возвышается / Светлеется Троическимъ Единствомъ священнотайне.

И ныне, тойже.

Прокимень, гласъ 4: Помяну Имя Твое / во всякомъ роде и роде.

Стихъ: Лицу Твоему помолятся богатии людстии.

Всякое дыханіе: Евангеліе отъ Луки, зачало 4.

Псаломъ 50. Слава, Молитвами Богородицы: И ныне, тойже. Помилуй мя, Боже:

По 50-мъ псалме етихира, гласъ 5:

Днесъ тайна Божія совершается / и торжествуютъ Небеса, / въ неизреченномъ свете Царица является, / рождающая Царя царей / и Покровъ Свой на Русь возлагаетъ / и кресты покаянія намъ посылаетъ / и дыханіе жизни о Боге въ душу Дома и Царства Своего вдыхаетъ, / да воскреснетъ Русь Святая, / Православная и Самодержавная.

Канона два:

Праздника Богородицы со ірмосомъ на 10, ірмосъ дважды
и преподобнаго на 4.

Канонъ Богородицы, гласъ 4.

Песнь 1

Ірмосъ: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою грядущее Воскрешение Руси.

Припевъ: Слава Тебе, Владычице, Русь Воскрешающая
или Песни Библейскія Праздничныя, Поимъ Господеви.

О, Мати Всепетая, Всемиловитая и Вселюбимая, Заступнице и Ходатаице рода христианскаго, Небеси и земли самодержавная Царице, Руси державная Владычице и Мати Бога нашего, очисти умъ мой, душу и сердце, избави отъ скверны устне мои и отверзи я, пошли благодать Твою въ помощь мне, даждь мне, неразумному слово, яко да возмогу воспети Тя, днесъ воскрешающую Русь.

О, Всепетая Скиніе Всехъ святыхъ Святейшаго Слова, избранный сосуде Домостроительства Божія и Божія благодати, Купина Неопалимая и Лествица, утверждена на земли, Еяже глава досязаше до Небесъ. Тебе Единый Трїипостасный Богъ определилъ стати источникомъ чистоты и благодати, изъ Тебе

бо возсія Солнце правды Христосъ Богъ нашъ, сшедый Тобою съ Небесе нашего ради спасенія.

Рожество Твое, Пречистая, радость дарова всей вселенней; житіе Твое преславное яви примеръ совершеннаго служенія Богу и исполненія заповедей Его и воли Его; и во Успеніи Своемъ насъ не оставила еси, и молишися непрестанно за всехъ насъ.

Скорая помощница скорбящимъ, нуждающимся и обремененнымъ Ты еси, всякъ уповай на Тя не посрамится, Ты бо еси спасеніе рода христіанскаго.

Монашествующимъ покровительница Ты еси и Игуменія всея земли, Твои бо уделы: Афонъ, Иверія, Києвъ, Дивеево - вси суть средоточіе монашества аки чєтыри негасимыя свєци до Небєсь съ молитвами за міръ, во грєсєхъ погрязший.

Взбранная воевода для многихъ христіанскихъ градовъ и странъ Ты еси: аще видела раскаяніе согрєшившихъ людей, Тя призывающихъ, умоляла Сына Своего, да проститъ раскаявшихся грєшниковъ и Сама приходила на помощь имъ и сокрушала враговъ.

Сынъ Твой и Богъ нашъ, Заступнице, воскресилъ сына вдовы наинскія, дочь Іаіра и Лазаря Чєтыредневнаго, и после Своего славнаго воскресенія вывелъ души умершихъ праведниковъ изъ ада и по обєтованію воскреситъ души и тела всехъ умершихъ и убієнныхъ для Страшнаго суда. Ты же днесъ приступаєши къ воскресенію Удела Своего Руси Святыя, Православныя и Самодержавныя.

Богородичєнь: Яко Богонасажденный рай и место Животнаго древа, напаяемо Духомъ Святымъ, Ты еси, Владычице, Творца всехъ рождающая, Животнымъ Хлебомъ верныхъ питающая, молися Ему о всехъ насъ и за Русь Святую, Православную и Самодержавную.

Канонъ преподобнаго Авєля, гласъ 2.

Пєснь 1

Ірмосъ: *Грядите, людие, / поим пєснь Христу Богу, / раздєльшему море и наставльшему люди, /яже изведе из работы єгипетскія, /яко прославися.*

Грядите, людие, поимъ пєснь Христу Богу, даровавшаго намъ угодника Своего Авєля, иже поведѣ намъ о работє єгипетскєй и изхожденію из неѣ.

Прїидите, верніи, старцы съ юнотами, воспоимъ угодника Божія Авєля, Христа пачє живота возлюбившаго и заповєди Его исполнившаго, сєго ради Бог прослави єго.

Земный Ангел и Небесный человекъ явился еси, Авєле преславне, неизглаголаннхъ самовидецъ, Господнею славою озаряємъ.

Богородичєнь: Грядите, людие, воспоим пєснь хвалы Прєдивней Владычице, Творца всехъ рождающей и многострадальнаго Авєля возлюбившей, яко и ныне молится о душахъ нашихъ.

Катавасія: *Христосъ раждаєтся - славите, / Христосъ съ Небєсь -срящитє. /Христосъ на земли - возноситеся. /Пойте Господєви, вся земля, /и весєліємъ воспойте людие, /яко прославися.*

Аще же въ иный день празднованіе, катавасія по уставу.

Песнь 3.

Ірмось: *Твоя песнословцы, Богородице, / Живый и Независтный Источниче, / ликъ себе совокупльшій, духовно утверди, / въ Божественней Твоей славе / венцевъ славы сподоби.*

Покровъ Твой всечестный, Владычице, иже виде блаженный Андрей въ храме во Влахерне, знамена, яко ты приступила къ служенію роду христианскому яко чадолубивая Мати.

Одеяніе Твое, Царице, быша чистоты и белизны слепящія паче снега, Омофоръ же Твой блиста аки молнія.

Аще Ты и стала еси незрима, обаче Покровъ Свой оставила намъ, молящимся Ти.

Ты - Жена облечена въ солнце, якоже и Церковь Христова, облечена въ Солнце Правды - Христа. Ныне Ты вземлещи наглавный платъ Свой и покрываеши имъ всехъ нашъ чадъ Твоихъ.

Жене бо не подобаетъ молиться съ непокрытою главою. Сего ради Ты покрываеши христианъ благодатию Своею.

Покровомъ Твоимъ отъ нахождения иноплеменныхъ избавляемся, враговъ незримыхъ побеждаемъ и къ Богу приходимъ.

Богородичень: **Подъ** Твою милость прибегаемъ, Владычице Небеси и Земли, моленій нашихъ не презри въ скорбехъ и въ нуждахъ, не отступи отъ насъ, но сохрани насъ подъ Покровомъ Твоимъ и воскреси Русь Святую, Православную и Самодержавную.

Инъ

Ірмось: *На камени мя веры утвердив, / разширилъ еси уста моя на враги моя. / Возвесели бо ся духъ мой, внегда пети: / несть святъ, якоже Богъ нашъ, / и несть праведенъ паче Тебе, Господи.*

Ум, душу и сердце всецело Богу обрати, многия брани претерпе, вся козни вражия силою Христовою победи, чистым сердцем Бога славя.

Весь живот свой Христу вверил еси, сего ради и сотвори Господь тя избранным сосудом Своим.

Цари упреждал еси и многия люди пастырским словом наставлял еси, преславне Авелю Тайнозрителю.

Многия скорби и поношения за слово Божіе радостно претерпел еси, за вся благодаря Преплагаго Господа.

Богородичень: Радуйся, Горо приосененная, из Тебе бо без рук отторжеса Камень - Христос нашего ради спасения и возсия миру всему солнца паче, сего ради Тя величаем.

Катавасія: *Прежде векъ отъ Отца рожденному нетленно Сыну / и въ последняя отъ Девы / воплощенному безсеменно, /Христу Богу возопиимъ: / вознесый рогъ нашъ, /святъ еси, Господи.*

Кондакъ преподобнаго, гл.4:

Пророческий даръ от Бога приѣмши, / всю последующую исторію Россіи прорекл еси, / Царя-искупителя к подвигу приуготовив / и всех нас предварив, / много за сіе пострадалъ еси. / Молися о Грядущем Царе, / и да будем мы достойны Его, / преподобне Авелю Тайнозрителю.

Седалень, гласъ .

Подъ Твой святыи Покровъ притекаемъ, Владычице и Заступнице, и кресты, Тобою посылаемыя, радостно приемлемъ, и на милость Твою уповаючи, вопиемъ Ти: избави насъ отъ огня геенскаго и спаси Русь Святую Православную.

Слава, и ныне, тойже.

Песнь 4

Ірмосъ: Неизследный Божій Советъ, / еже отъ Девы воплощенія / Тебе, Вышняго, / пророкъ Аввакумъ усмотря, зовяше: / слава силе Твоей, Господи.

Веруемъ, Владычице, и исповедуемъ, яко знаменіе, егоже Ты дала чрезъ Ольгу всему миру въ день славнаго праздника Покрова Твоего, се есть Твой второй и последній Покровъ.

Явленіемъ Своимъ Ты дала знаменіе, яко Ты приступаеши къ воскрешенію Руси, некогда Святыя, а ныне поруганныя, разграбленныя, разоренныя и окверненныя духовно и телесно.

Явленіемъ Своимъ Ты уверяеши насъ, яко не оставила Домъ Свой и Удель Свой, Царство Свое земное.

Яко Сынъ Твой Светъ отъ Света, Богъ Истинный отъ Бога Истиннаго, тако и Ты изъ света являешися.

Светъ светлее света и паче солнца блистай жилище Твое, се бо Ты еси Пресвятая, Пречистая и Препоблагословенная.

Нестъ святъ яко Богъ нашъ и несть милостивъ и милосердъ якоже Ты, Заступнице и Споручнице насъ, грешныхъ.

Богородичень: Ты радость паче всякія радости, Ты миръ, тишину душевную и благодать намъ подаеши, Ты научаеши насъ кротости, долготерпенію и любви къ ближнимъ, сего ради мы воздаемъ Тебе благодареніемъ и любовію сыновнею и дочернею къ Тебе, о, Мати всепетая и вселюбимая.

Ірмосъ: Пришель еси отъ Девы не ходатай, ни Ангелъ, / но Самъ, Господи, воплощся, / и спаслъ еси всего мя человека. / Темъ зову Ти: / слава силе Твоей, Господи.

Пришель еси отъ Бога, пророче Христовъ вѣщій Авеле, темъ же благодаримъ Пославшему тя: слава силе Твоей, Господи.

Велія тайны Божія тайнозриши, таинниче Божій Авеле, и пути Промысла Божія даже до последнихъ временъ отверзты тебе.

И ныне на Небесехъ у престола Божія предстоиши и молишися непрестанно за Русь Святую и за всехъ, прибегающихъ къ заступничеству твоему.

Приведи и насъ въ Царствіе Небесное, многогрешныхъ, но любящихъ Бога, Заступницу Усердную и воспевающихъ тя, великій угодниче Христовъ.

Богородичень: Безвестная Невесто, и неискусобрачная Чистая Мати Христа Бога, Того непрестанно моли, спасти души поющих Тя.

Катавасія: Жезль изъ корене Іессееа / и цветъ отъ него, Христе, / отъ Дееы прозябль еси, / изъ горы, Хвальный, / пріосененныя чащи, / пришелъ еси, еоплощся отъ Неискусомужныя, Невещественный и Божже: / слава силе Твоей, Господи.

Песнь 5.

Ірмось: Отъ света пресекий первородный светъ, / яко во свете дела поють и Тя, Владычице, / во Свете Твоемъ пути наша направи.

Небеса небесъ жилище Твое, а попечение Твое о насъ, на многогрешней земли пребывающихъ въ юдоли скорби и печали.

Христось Сынъ Твой далъ намъ Крестъ - оружіе непобедимое противу всехъ козней вражїихъ, Ты же Покровъ Свой всечестный, вся очищай и освящай, яко Ты еси Пречистая, снега чище и света светлее.

Ангели славословятъ Тя, воспеваютъ и ублажаютъ, яко Ты еси Преславная, высшая всехъ Силь небесныхъ, Честнейшая херувимъ и Славнейшая безъ сравненія серафимъ.

Девы въ белыхъ платьяхъ и белоснежныхъ венцахъ на головахъ сопутствуютъ Тебе, служатъ и воспеваютъ, истинней бо Царице подобаетъ и свита Царская.

Девы чистыя и ничимъ не оскверненныя окружають Тя, провождаютъ и славословятъ, яко Ты еси Пречистая, и ничтоже скверное не имать коснуться Тебе, Ты бо еси воистину Приснодева, прежде рождества Дева, въ рождестве и по рождестве пребываеши Девкою и печешися о чистоте душевной, о всякомъ девстве духовнемъ и телеснемъ.

Девы чистыя, непорочныя и славныя, дивныя и избранныя сосуды Божїа благодати Тя окружають, въ Твоей славе пребываютъ, Тя славословятъ и тїи суть продолженіе славы Твоея, се бо Ты еси Преславная, Предивная и Преблагословенная Мати Бога Вышняго и наша Царица и Владычица.

Красоту Твою, Царице царицъ кто возглаголетъ или опишетъ, кротость и смиреніе Твое кто исповестъ, любовь, заботу и попечение Твое Матернее о насъ кто постигнетъ, Ты бо еси Мати всего рода человеческого.

Богородичень: Тя, рождшую всехъ Бога, лествицу Іаковлю и стамну Манны, славословятъ Небесніи Ангели, мы же яко чада Твоя, не возмогаемъ излити любовь нашу къ Тебе и благодарность нашу, токмо глаголемъ: Не остави насъ на поруганіе врагу рода человеческого, но молися Сыну Твоему и Богу нашему за насъ и за Русь Святую, Православную и Самодержавную.

Инъ

Ірмось: Света подателю и вековъ творче, Господи, / во свете твоихъ повеленій настави насъ; / разве бо Тебе иного бога не знаемъ.

Отъ Света Истиннаго пришелъ еси къ намъ светильникъ веры и любве, да просве-тиши тьму прегрешеній нашихъ и да избавить насъ Господь отъ ига жидовскаго.

Любовію къ Богу пламенея, словомъ Господнимъ Царей наставляль еси, настави и насъ быти верными Царю Грядущему.

Слава ти, угодниче Христовъ, Авеле, се бо ныне и до скончанія века предстоиши Престолу Божію и молишися за малое стадо Христово и всехъ, чтущихъ святую память твою.

Богородичень: Светомъ благодати Твоя, о Всепречистая, Всепетая Мати тьму греховную нашу разгоняеши и во спасенія наше посылаеши къ намъ угодниковъ Божіихъ, да просветятъ тьму душъ нашихъ светомъ любви Христовой.

Катавасія: *Богъ сый мира, Отецъ щедротъ, / Великаго Совета Твоего Ангела, / миръ подавающа, послалъ еси намъ: / темъ, Богоразумія къ свету наставляшеся, / отъ нощи утренююще, / славословимъ Тя, Человеколюбче.*

Песнь 6.

Ірмосъ: *Божественное сіе и всечестное / совершающе празднество, / Богомудріи, Богоматере, / приидите, руками восплецимъ, / отъ Нея рождшагося Бога славимъ.*

Покровъ Свой, Пречистая, даеши Ты въ помощь намъ немощнымъ, имже Ты защищаеши насъ отъ всякаго зла, подвигаеши на молитву и приводиши ко спасенію.

Покровъ Твой, Предивная - кротость и смиреніе. Ты возлагаеши его на насъ да уразумеемъ, яко вси мы послушницы Божіи и да творимъ волю Его Единого.

Покровъ Свой царскій Ты возлагаеши на насъ, Всецарице, да станемъ и мы царственнымъ священствомъ Бога нашего.

Покровомъ Своимъ, Преблагая, Ты очишаеши всю землю, монастыри и храмы, иконы и колокола и вси источники нашего спасенія.

Покровъ предивный - благодать Свою, Пренепорочная, Ты посылаеши намъ во очищеніе душъ нашихъ, да будетъ вся внутренняя наша чиста якоже и Ты, Пречистая.

Покровъ Свой, Преблагая, Ты даеши намъ во очищеніе земли Рускія и въ воскрешеніе Руси Святыя, Православныя и Самодержавныя.

Покровъ Твой неиз'яснимый и непостижимый яко первовыпавшый снегъ очищаетъ всю землю напгу и души чтущихъ Тя и поминающихъ преславное Имя Твое во всякомъ роде и роде.

Богородичень: **Покровъ** Твой, Пречудная, источникъ нашего очищенія и залогъ нашего спасенія, на Тя бо упованіе имамы, да будетъ Русь Святая и внеуду якоже и въ душахъ нашихъ.

Инъ

Ірмосъ: *Въ бездне греховней валяясь, / неизследную милосердія Твоего призывая бездну: /отъ тли, Боже, мя возведи.*

Тьму греховную душъ нашихъ и грехъ отреченія отъ помазанника Божія, уврачуи, святче, да приведетъ Господь Русь къ славе веліей.

Слово Божіе въ житіи земномъ неслъ еси, обаче не ко всемъ посланъ бысть, но къ богобоязненнымъ и боголюбивымъ.

Не престай и ныне, пророче и тайнозрителю, молитися за Русь Святую и за всехъ, трепещущихъ словесъ Божіихъ.

Богородичень: Покаянія двери отверзи намъ, Благословенная Богородице, Ты бо еси спасеніе рода христіанскаго.

Катавасія: *Изъ утробы Іону младенца изблева морскій зверь, / якова пріять, / въ Деву же всельшееся Слово / и плоть пріемшее пройде сохраняющее нетленну. / Егоже бо не пострада истлєнія, / Рождишую сохрани неврежденну.*

Кондакъ, гласъ 3. Подобень: Дева днесъ.

Дева днесъ стоитъ на воздусе / въ одеяніи ослепительныя чистоты, / осеняемая Святою Троицею, / съ Ангелы, святыми и девами, / на Русь всечестный Свой Покровъ возлагаетъ, / храмы, монастыри и всю землю Русскую очищаетъ / и златыя кресты покаянія намъ посылаетъ / во спасеніе душъ нашихъ / и въ воскресеніе Руси Святыя, Православныя и Самодержавныя.

Ікосъ:

Егда явилася еси Ты, красото неизреченная, Ользе въ день Покрова Твоего, вся вселенная со всеми тварями земными возрадовалася. И укрываеншъ Ты, Приснодево, всю землю Покровомъ чуднымъ, кресторасписнымъ. И очищается земля отъ скверны. И души людей, пріимающихъ Тя въ сердце свое, просвещаются и къ Богу устремляются. И несть человека, иже пребысть безъ Покрова любви Твоея. Сего ради вопіємъ Ти сице:

Радуйся, Дево, чистото несравненная;
Радуйся, забото о нашей многострадальной стране проявленная.
Радуйся, всехъ Своимъ белоснежнымъ омофоромъ покрывающая;
Радуйся, Свой любимый Удель прославляющая.
Радуйся, преподобнаго Серафима возлюбившая;
Радуйся, Руси нашей благоволившая.
Радуйся, Радостей Всехъ Радость неизреченная;
Радуйся, яже отверзаеши намъ дверь ко спасенію.
Радуйся, Мати Божія, Русь Воскрешающая.

Песнь 7.

Ірмосъ: *Не послужиша твари Богомудріи / паче Создавшаго, / но, огненное прещеніе мужески поправше, / радовахуся, поюще: / препетый отцевъ Господь и Богъ, благословенъ еси.*

Сынъ Твой и Богъ нашъ, Владычице, изрекъ устами Своими пречистыми: Аще хочеши совершенъ быти, возми крестъ свой и вследъ Мене гряди. И Ты наставляеши насъ терпеливо, съ любовью, радостію и благодареніемъ нести крестъ свой, взирая на примеръ Сына Твоего и Твой, во спасеніе душъ нашихъ.

Крестъ Сына Твоего и Твой святыи Покровъ, Преплагаея Всецарице, - се мечъ и щитъ на врага рода человеческого, воистину непобедимое оружіе.

Крестъ - хранитель всея вселенныя, и Твой Омофоръ, Небесная Царице, хранитъ души наша, храмы и монастыри наша, всю земли нашу, весь миръ и люди, яже на Бога и на Тя упованіе возложиша.

Крестъ - красота Церкви, и Твой, Заступнице, святыи Покровъ души наша очищаетъ и къ Богу возводитъ.

Крестъ Сына Твоего, Пресвятая Богородице, - Ангеловъ слава и бесовъ язва, Покровъ же Твой, Преплагая,- кивоть и хранилище крестовъ Господнихъ, посылаемыхъ намъ на спасеніе.

Нестъ слаще легкаго бремени Христова для возлюбившихъ всею сердцемъ Сына Твоего, и несть благоднее для души Покрова Твоего, Препригодатная.

Кресту Сына Твоего покланяемся, Преславная, и Твой честный Покровъ благодатный поемъ и славимъ.

Богородичень: **Крестъ** Свой, Богомъ Тебе врученный, Всемиловитая, Препригословенная и Мати Бога нашего, Ты пронесла съ кротостію и благоговеніемъ, и ныне Ты посылаеши намъ кресты покаянія, кресты освященія, кресты спасенія душъ нашихъ.

Инъ

Ірмосъ: *Телу златому премудрыя дети не послужиша, / и въ пламень сами поидоша, / и боги ихъ обругаша, / среди пламени еозопиша, и ороси я Ангель: / услышася уже устъ вашихъ молитва.*

Дивенъ Ты, Господи, во святыхъ Своихъ, молитвами угодника Твоего, пророка новозаветнаго Авеля помилуй насъ и отъ всякаго зла душегубительнаго сохрани, Русь же отъ ига жидовскаго избави, да умиленно вопіемъ Ти: отцевъ Боже, благословенъ еси.

Измлада во всехъ испытаніяхъ твердъ яко адамантъ пребывалъ еси, блаженне Авеле, никогдаже на обидящихъ тя озлобялся, но за всехъ по заповеди Господней усердно моляся и вопія Всемиловитому Спасу: отцевъ Боже, благословенъ еси.

Преприженне отче, волю Божию и грядущее Царямъ и боголюбивымъ людямъ во спасеніе наше открывалъ еси, ныне же со всеми святыми и Горними силами непрестанно поеши: препетый отцевъ Господь и Богъ, благословенъ еси.

Богородичень: Богородице и Приснодево, рождающая Слово паче слова, Зиждителя Твоего, Того моли съ препридобнымъ Авелемъ помиловать и спасти души наша.

Катавасія: *Отроцы, благочестію совоспитани, / злочестиваго веленія небрежше, / огненнаго прещенія не убоявшися, / но посреде пламени стояще, пояху: / отцевъ Боже, благословенъ еси.*

Песнь 8.

Ірмосъ: *Отроки благочестивыя въ пеци / Рождество Богородичи спасло есть; / тогда убо образуемое, / ныне же действуемое, / вселенную всю воздвизаетъ пети Тебе: / Господа пойте дела, / и превозносите Его во вся веки.*

Крестъ - ключъ, отверзая двери покаянія, крестъ - ключъ, открывая врата Царствія, сей крестъ - сокровище многоценное паче злата и сребра Ты посылаеши коемуждо изъ насъ въ даръ и огражденіе.

Явленіемъ Своимъ, Преславная и Непостижимая, являеши Ты Преображеніе Свое, яко знаменіе преображеніе Удела Твоего.

Явленіе Твое, Преплагая, подобно брачному пиру Сына Твоего, а мы вси подобни десятимъ девамъ, ждущимъ Жениха Небеснаго: мудрымъ, яже приемиютъ крестъ съ Покрова Твоего, или юродивымъ - отвергающимъ его.

Радостно и съ благоговеніемъ приимающія многоценныя златыя кресты,

посылаемая съ Покрова Твоего, подобни пятимъ мудрымъ девамъ, яже возшли на брачный пиръ Сына Твоего.

Не приімающія драгія кресты, Тобою посылаемая, уподобляются юродивымъ девамъ, яже безрассудно ищутъ не пути спасенія, но пути погибели своея.

Помощники Твои, Преславная и Преблагословенная, Богомъ учиненныя въ деле воскресенія Руси Святыя, - ревнитель веры Христовы великій угодникъ Божій Николай и любимичъ Твой великій чудотворецъ Серафимъ.

Богородичень: Величитъ душа Твоя Господа и радуется духъ Твой о Сыне, Бозе и Спасе Твоемъ, мы же славимъ Тя, Владычице, безъ истленія Бога Слова рождшую: Радуйся, Радосте наша, радуйся Преблагословенная Маріе, Госпоже всехъ насъ, Господь съ Тобою.

Инь

Ірмось: *Въ пещь огненную ко отрокомъ еврейскимъ снизшедшаго / и пламень въ росу преложшаго Бога /пойте дела, яко Господа,/ и превозносите во вся веки.*

Многія, приходящія къ келліи твоей, на путь спасенія направлялъ еси, старче Авеле, словомъ утешенія и советомъ пророческимъ души врачуя, непрестанно вопія умиленно: Господа пойте, дела, и превозносите Его во вся веки.

Научи насъ, пречудне пророче, твердости въ вере Православней, да не отвержемся отъ Христа, и не поклонимся богомерзкому антихристу, и не примемъ богопротивныя печати его, но да поемъ съ победившими зверя: Господа пойте, дела, и превозносите Его во вся веки.

Научи насъ, святче Божій, кротости и смиренію, незлобію и долго-терпенію, лювеобилію и прощенію обидъ, взывая съ Горними Силами: Господа пойте, дела, и превозносите Его во вся веки.

Вразуми насъ, молитвенниче за Русь Святую, покаянію за хулу на Имя Царя Небеснаго и неверность Царю земному, грехъ убіенія младенцевъ во чреве, и стати достойными подданными помазанника и угодника Божія, взывая со всеми верными Ему: Господа пойте, дела, и превозносите Его во вся веки.

Богородичень: Радуйся, престоле Господень огнезrachный, радуйся, заре невещественнаго света, радуйся, небо, изъ негоже возсія предивное Солнце, Христось Спасъ нашъ, Егоже превозносимъ во вся веки.

Катавасія: *Чуда преестественнаго / росодательная изобрази пещь образъ: /не бо яже пріять, палитъ юныя, / яко ниже огонь Божества Девы, / въ нюже вниде утробу. / Темъ, воспевающе, воспоемъ: / да благословитъ тварь вся Господа / и превозноситъ во вся веки.*

Песнь 9.

Ірмось: *Всякъ земнородный / да възиграется, Духомъ просвещаемъ, / да торжествуетъ же Безплотныхъ умовъ естество, /почитающее священное торжество Богоматере, / и да вопіеть: / радуйся, Всеблаженная, Богородице, / Русь Воскрешающая.*

Аще бы не Ты, всепетая Мати Царя Небесъ, приводила насъ къ Сыну Твоему и Богу нашему, и укрепляла насъ, немощныхъ, кто бы спаслъ души наша.

Аще бы Ты не взяла скипетръ и державу изъ рукъ Государя Николая Александровича, что бы было съ державою нашею.

Аще бы не Ты взялася за воскрешеніе Руси, кто бы сотворилъ сіе.

Яко гроза очищаетъ небо и землю, тако и земля Русская после огненного испытанія и грозowego очищенія засіяетъ снега чище и солнца светлее Русью Святою, Православною и Самодержавною.

Вси колокола Руси зазвонятъ, велію радость мірови возвещающая, егда сядетъ Царь на престоле Своемъ, увенчанный отъ Царя Славы и Царицы Небесъ короною, скипетромъ и державою.

Райскія крины прозябнуть на земли, и дивныя дела Божія явлены будутъ, возвещающія Россіи Царя и светъ велій мірови.

Солнце правды възиде на многострадальной Руси, и летомъ Пасху запоютъ, егда возстанетъ изъ гроба и воскреснетъ РУСЬ Святая во всей своей силе и славе.

Богородичень: *Царице Небесная, Ты и земная Царица Русскія державы, Ты Местоблюстителница Государя Императора, и Ты вручиши скипетръ и державу Богомъ поставленному Грядущему Царю, и инаго кесаря разве Тебе и Царя Грядущаго не вемы.*

Инъ

Ірмось: *Безначальна Родителя Сынь, Богъ и Господь, / воплощся отъ Девы намъ явися / омраченная просветити, собрати расточенная; / темъ Всепетую Богородицу величаемъ.*

Преславно житіе твое, блаженне Авеле, велія сила пророческихъ словесъ твоихъ, дивны долготерпеніе и незлобіе твое. Воистину чудна дела Твоя, Господи, и дивенъ Ты во святыхъ Своихъ.

Велія тайны Божія тайнозриши, таинниче Божій Авеле, и пути Промысла Божія даже до последнихъ временъ отверзты тебе.

Іерей по чину Мелхиседекову и Царственный священникъ воистину ты еси, святче Божій Авеле, сего ради многія Цари отъ пагубы упреждалъ еси, Государя Николая Александровича къ искупительному подвигу предуготовалъ еси и имя Царя Грядущаго прореклъ еси.

Богородичень: *Единаго отъ Святыхъ Троицы, Слова и Сына родила еси, Дево Пречистая, Егоже съ преподобнымъ Авелемъ и всеми угодниками Божиими моли о рабехъ Твоихъ, верою просящихъ греховъ прощенія.*

Катавасія: *Таинство странное вижу и преславное: / Небо - вертепъ, / Престоль Херувимскій - Деву, / ясли - вместилище, / въ нихже возлеже Невместимый - Христосъ Богъ, / Егоже, воспевающе, величаемъ.*

Светилень:

Сномъ греховнымъ уснула земля Русская, яко мертвая, но Ты, державная наша Владычице, пробуждаеши народъ Свой отъ сна греховнаго и воскрешаеши Русь Святую.

Слава:

Много претерпелъ еси отъ враговъ Царевыхъ, угодниче Христовъ Авеле: поношенія, во узилище вверженіе, обаче никогда же озлоблялся еси, но за всехъ усердно молилъ Всемилоствитаго Спаса.

И ныне:

Не имамы иныя помощи, не имамы иныя надежды по Бозе разве Тебе, Владычице и Заступнице, Упованіе наше, Прибежище наше и Покровъ всечестный, сего ради мы взываемъ немолчно: Господи, помилуй насъ, грешныхъ; Пресвятая Богородица, спаси насъ и воскреси Русь Святую.

На хвалитехъ стіхиры на 4, гласъ 2:

Подобень: Егда отъ древа:.

Явленіе Твое, Пречистая, яже виде Ольга, подобно брачному пиру Сына Твоего, а приємлющии радостно кресты съ Покрова Твоего, подобни пятимъ мудрымъ девамъ, яже возшли на брачный пиръ Небеснаго Жениха.

Буди, Владычице, милость Твоя на насъ, се бо уповахомъ на Тя, яко Ты спасаеши души наша.

Заступнице, прибежище была намъ въ родъ и родъ, и до скончанія века не устанемъ славити Тя во всякомъ роде и роде.

Царемъ благочестивымъ отъ Бога въ помощь бысть ти, пророче Авеле, Врагомъ же Христовымъ и Царевымъ въ страхъ и озлобленіе.

Слава, гласъ 8:

Многихъ даровъ и многихъ венцевъ отъ Бога сподобился еси, преславне пророче и старче и исповедниче, сего ради ходатайствуй о насъ, молися за Русь Святую и о спасеніи душъ нашихъ.

И ныне, гласъ той же:

Богородичень: Слава Тебе, Мати Истиннаго Света, / просветляющая и очищающая и спасающая души наша / и воскрешающая днесъ Русь Святую, / яже возсіяетъ міру солнца светлее.

На літургiи: Блаженны на 10: отъ 1-го канона, песни 9-я - 6

и отъ 2-го канона, песнь 6-я - 4.

Прокимень, гласъ 3: Песнь Богородицы: Величитъ душа Моя Господа и возрадовася духъ Мой о Бозе Спасе Моемъ. Стихъ: Яко призре на смиреніе Рабы Своея, се бо отныне ублажатъ Мя вси роди.

Прокимень, гласъ 7: Честна предъ Господемъ смерть преподобныхъ Его.

Апостоль ко Евреямъ, зачало 320 и Посл. Іаковле, зачало 57. Аллилуіа, гласъ 8: Слыши Дщи и виждь и приклони ухо Твое. Стихъ: Лицу Твоему помолятся богатіи людстiи. Гласъ 6: Блаженъ мужъ, бояйся Господа, въ заповедехъ Его восхощетъ зело.

Евангеліе отъ Луки, зачало 54 и отъ Луки, зачало 14:

Причастень: Чашу спасенія прииму и Имя Господне призову.

Въ память вечную будетъ праведникъ, отъ слуха зла не убоится.